



UNIVERSITÄTS-  
BIBLIOTHEK  
PADERBORN

**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

Dissertatio Secunda De Privatione.

---

[urn:nbn:de:hbz:466:1-71607](#)

DISSE<sup>T</sup>ATI<sup>O</sup> SECUNDA*De Privatione.*

I. **P**RIVATIO ut intelligatur melius, de negationibus quoque tractandum est. Dantur itaque; negationes necessariæ & intollerabiles (quales sunt negationes rerum impossibilium) à rebus positivis distinctæ, iisque; contradictione oppositæ; tales enim negationes sunt negatio Chymæræ, negatio identitatis Petri cum lapide, quæ nulli enti positivo identificantur; nam entia positiva v. g. lapis per suam entitatem non est negatio Chymæræ; aliud quippe est dicere: *Lapis per suam entitatem non est, vel est non chymera;* aliud: *Lapis per suam entitatem est non esse, seu negatio chymera:* hoc postremum falsum esse, inde patet, quod existentia lapidis præcise non obstat, quod minus posset cum illo existere chymæra, dummodo hæc aliunde non implicaret: similiter aliud est dicere: *Petrus per suam entitatem non est idem cum lapide, vel est non lapis,* aliud: *Petrus est negatio identitatis cum lapide;* quæ negatio necessariò tantum resultat ex entitate Petri; unde & hic dici

posset negatio fundamentalis hujus identitatis. Dantur quoque negationes contingentes & tollibiles, seu rerum contingentium a rebus positivis distinctæ; tales enim sunt, negatio visus, negatio alterius mundi &c. quæ si identificarentur rebus possibilibus, sensus harum propositionum: *Iam est negatio alterius mundi: negatio visus inest lapidi &c.* esset hic: *jam alter mundus est possibilis: visus possibilis inest lapidi,* quas patet esse propositiones diversissimas. Si dicas, identificari rebus pure possibilibus; contra est, quod illud, quod pura possibilitas dicit præter possibilitem, sit negatio actualis existentiæ. Si dicas, esse res possibles, quatenus de illis formari potest propositio negativa vera; contra est: quod hæc propositio: *alter mundus non existit:* ideo vera sit, quia est conformis objecto, sive quia reverè existit negatio alterius mundi. Si dicas, esse res possibles, quatenus connotant notionem Dei, nolentis illas existere; contra est, quod hæc voluntas, utpote actus Dei liber, debeat habere objectum, per quod compleatur in ratione liberi, quod hic aliud non est, quam negatio mundi alterius. Neque hinc sequitur, objectum propositio-

positionis negativæ fore negationem, adeo-  
quæ diversum ab objecto propositionis af-  
firmativæ, & sic nunquam dandas contra-  
dictorias, quæ sunt de objecto eodem; quia  
objectum propositionis negativæ esse quo-  
que identitatem, & non negationem (aliás  
negaretur negatio, & sic propositio foret af-  
firmativa) tradidimus in Logica. Neque se-  
quitur has duas propositiones: *Antichristus  
jam est per se ipsum;* *Antichristus jam non est  
per se ipsum:* fore contradictorias simul fal-  
sas; quia posterior non est prioris contradic-  
toria, cùm sit ex parte affirmativa; non enim  
tantum negat, Antichristum jam existere,  
sed etiam affirmat, hoc *non existere* Anti-  
christi convenire illi per seipsum. Dum au-  
tem Scriptura de tenebris loquitur veluti de  
ente positivo, loquitur metaphoricè. Dum  
Arist. inquit: privationem esse unam nume-  
ro cum materia, non vult, illam identificari  
materiæ, sed non esse aliquid extra materiam  
existens. Dum privatio dicitur intendi, intel-  
ligi debet, intendi illam, non ratione sui, sed  
ratione formæ, pro ut pluribus vel pauciori-  
bus gradibus formæ privat. Dum privatio  
in concreto affirmatur, v. g. *homo est cæcus*:

a 5

affir-

affirmatur quidem purum nihil de subjecto positivo, sed expressum per vocem negantem certam tantum speciem entis, & non per vocem negantem omne ens, qualis vox est *nihil*, qua proinde de subjecto positivo affirmari nequit.

II. Negatio in genere est carentia entis positivi; pro ut opponitur privationi, est carentia formæ in subjecto inepto. Privatio est carentia formæ in subjecto apto, vel potius, est carentia unionis formæ cum subjecto apto; licet enim forma esset in subjecto, dummodo illi non uniretur, diceretur adhuc bene subjectum privatum tali formâ. Unde patet, privationem in obliquo importare capacitem subjecti, vel tanquam intrinsecum sui constitutivum, vel ad minimum tanquam terminum, ad quem dicat relationem quasi transcendentalem. Diversitatem non tantum numericam, sed etiam specificam desumunt privationes, non tantum à diversis numero vel specie subjectis, quibus suo modo insunt, sed vel maximè à formis, quibus opponuntur, specie vel numero tantum diversis; ratione quarum quoquè alia est privatio substantialis, alia accidentalis; & pro ut sub-

subjectum proximè vel remotè capax est, uniri cum tali forma, alia est privatio proxima, alia remota.

III. Tollitur privatio positivè per unionem formæ oppositæ cum subjecto; negativè per destructionem subjecti capacis, & privatio proxima per ablationem dispositorum proximarum. Positâ autem re in uno loco, perit opposita illi negatio ubique, quod, si non fieret, res eadem simul erit simpliciter, & non erit simpliciter; est simpliciter; ad hoc enim sufficit, ut sit alicubi; non erit simpliciter; quia ejus negatio erit alicubi; sicut enim ad hoc, ut res sit simpliciter, sufficit, ut sit alicubi, sic ad hoc, ut non sit simpliciter, sufficit, illius negationem esse alicubi. Ex eo itaque, quod Petro tantum existente Coloniæ, ille non sit Romæ, non sequitur, negationem Petri fore Romæ; sed negationem ubicationis Petri fore Romæ; eodem modo, ex eo, quod posita ubicatione Petri Coloniæ, tollatur negatio hujus ubicationis Colonensis etiam Romæ & ubique, non sequitur, ubicationem Colonensem Petri fore Romæ; quia ubicationem Colonensem esse Romæ, præter

existentiam ubicationis Coloniensis dicit aliquid, per quod ubicatio Coloniensis sit vel defigatur Romæ, nempe coëxistentiam spatii Romani & ubicationis Coloniensis.

IV. Existit privatio proxima immediate ante generationem causalem, seu quando omnes dispositiones, exceptis iis, quæ una cum forma inducuntur ) sunt in materia ad formam sequentem; existere enim non potest eo instante, quo fit corpus naturale, seu quando est generatio, quia tunc est forma illi opposita. Principiat quando primò est compositum seu generatio, & consequenter quando ipsa privatio primò non est, seu definit; quod enim se habet per modum transiuntis, seu termini, à quo receditur, quodquæ inexistit fluenter toti alicui fluenti seu successivo, eiquæ morali tantum, seu non habenti partes suas omnes invicem unionata physica multòque minus permanente unitas quale est hoc totum; *corpus naturale in fieri per mutationem*; adeoquæ dicit plura instantia ( etsi generatio aliqua causaliter sumpta, seu in quantum præcisè est productio formæ, sit instantanea ) opus, inquam, non est, ut illud existat tunc, quando dictum totum existit

existit adæquatè seu secundùm ultimam sui partem, ut videre est in primo quadrante horæ, qui utique horæ inexsistit. & tamen præteriit, quando hæc est completè. Non sequitur itaq; privatio est actu principium pro instanti generationis, ergo tunc est : axioma enim illud : *verificata propositione de tertio adiacente, verificatur propositione de secundo adiacente* : non tenet in rebus privativis, successivis, essentialibus; sic malè infero: primus quadrans est initium horæ completæ, ergo est, dum hæc completur: item : homo moritur, sive est moriens, ergo est: hæc enim, uti & ratio, actualis principii transeuntis, important disinere & destructionē rei, de qua dicuntur; unde et si sint prædicata actualia, non supponunt tamen actualem suorum subjectorum existentiam. Dum autem dicitur primò : generationem immediatè sequi post privationem, intelligendū est de generatione causali, vel quòd hoc totum morale successivū : *corpus naturale in fieri per mutationem*: completè acceptum sequatur desitionē suæ primæ partis, sicut hora completè accepta pro ultimo minuto sequitur desitionem primi quadrantis. Dum dicitur secundò; privationem prin-

b cipia-

14      *Dissertatio Secunda de Privatione.*

cipiare desinendo , intelligendum non est,  
quòd ratio formalis principiandi privationis  
sit illius non esse seu desitio ( aliàs forma foret  
ratio principiandi privationis , cùm esse seu  
introductio formæ sit formalissimè non esse  
seu desitio privationis ) sed quòd desitio sit  
mera conditio ad hoc , ut actu principiet pri-  
vatio , necessaria : ratio autem principiandi  
privationis sit ipsum esse privationis tendens  
ad non esse , seu importatum in ratione , rece-  
dentis , & principiet per suū esse desinens , &  
non per desitionem sui esse . Dum deniq; di-  
citur : privatio principiat , quando primò ei  
forma seu compositum , ergo non principiat  
corpus naturale in fieri ; hoc enim tunc est in  
facto esse ; malè concluditur , cùm fieri rei  
non dicat instans antecedens factum esse rei ,  
sed tantùm præter factum esse dicat proce-  
sionem rei extra causas , seu qualiter res pro-  
cedat ad suum esse à non esse formæ , ubi ne-  
cessariò facienda est mentio alicujus , quod  
nequit existere pro eo instantे , quo res primò  
est in facto esse , principiare tamen potest  
rem eo instantē ; quia principiatio privatio-  
nis & principiatio materiæ & formæ est si-  
multanea .

DIS